



黑色閃閃交叉帶高跟鞋 \$10,800 (On Pedder獨家版本)

周汶錡新寵

Nicholas Kirkwood



黑色羊皮幾何剪裁 ankle boots \$7,980

每個女人都有自己打扮上的堅持，名模周汶錡 (Kathy) 對鞋子最講究，人人踢拖開工，王菲更人字拖上台，她卻堅持一對鞋代表禮貌、風度，更是造型精粹所在，出街見人，絕對要企理、乾淨、靚眼。歷年穿過的鞋上千對，Kathy近年對 On Pedder 引入的英國新鞋王 Nicholas Kirkwood，讚不絕口，性感有型，女人味兼好行穩陣的高跟鞋，讓她心動。

模 特兒是潮流指標，名模周汶錡身上總是第一時間可以見到大熱 item，如今季的 Chanel 袋、Celine 袋，早早見她揸上，不是 sponsor，而是打開銀包入手貨，可算是真正捨得買靚衫的本地名模。

最愛斧頭底

手袋、襯衫、眼鏡、accessories，Kathy 最近迷鞋，最執着，她說：「可能係屋企影響，我由細到大，都只會見到爹地着西褲、皮鞋出街，印象好深刻，着鞋代表一種 manner。我唔知人地做法，但着得企理，對鞋光鮮咁咁出口，係我嘅堅持，我唔會接受自己着人字拖出街。」

Kirkwood，有型、性感、platform 厚底加超幼跟，火速成為她新寵，她說：「好高，鍾意 Kirkwood 嘅 platform 斧頭底，但唔係 wedge，係真正女人嘅 high heels 腳位。最覺得係着上腳真係好行，好穩陣。」

入行初時追求靚款，現時以舒服好着為先，結合兩者優點，最能得 Kathy 歡心，她說：「設計有趣、有啲 graphic，建築美學嘅感覺，同時着起好自在，呢點先係真正令人想擁有嘅推動力。」

冬選超長靴

秋冬開季在即，問到新季人貨心水？Kathy 最選兩大鞋款黑色超長靴和紅色高跟鞋，她說：「長過膝頭嘅黑色長 boots，襯任何顏色 skinny jeans、tight pants 都得，一着就好靚格；今個冬天大熱紅色高跟鞋，我覺得配同樣 hit 嘅 leather pants 或者 casual 少少嘅 cropped pants，靚得嗲女仔又型。」



髮型：Sev Tsang of Hair Culture
攝影：Chan Chi Lam (周汶錡)、Matthew Lam (Nicholas Kirkwood)

造型：Sev Tsang of Hair Culture
場地：On Pedder (新世界大廈)

紅色羊皮繡網 Bootie \$7,980



■ Kirkwood 將 Haring 的精粹加放鞋履上，令人會心微笑。

率先睇 Keith Haring 搞鬼作

Nicholas Kirkwood 新搞作，是以已故 pop art 大師 Keith Haring 的作品推出限量 Nicholas Kirkwood x Keith Haring 系列，真品今月中在倫敦時裝周現身，但中環 On Pedder 今個月就有設計專區，披露這批設計搞鬼、用上 Keith Haring 著名人形公仔做鞋跟、鞋面等的系列。



■ Nicholas Kirkwood 曾任 Philip Treacy 助手，啟發了線條及對比的運用。

從頭到腳皆創意

現年 29 歲，來自英國的 Nicholas Kirkwood，畢業於設計師搖籃 Central Saint Martin，曾任帽王 Philip Treacy 助手，05 年春季推出自家鞋履系列爆紅，2010 秋冬新鞋貫徹經典流線設計，加入粉質魔鬼魚皮、眼線蛇皮等。Nicholas Kirkwood 日前來港接受訪問時說：「秋冬靈感來自維多利亞年代，你見到有很多囉士、綉帶元素，整體顏色比較深沉，不過也有鮮明的紅色和粉紫。」他談創作時，依然感恩與 Philip Treacy 的工作經驗，他說：「初時設計帽，做到一個時期想踏出去做點其他，發現自己其實頗喜歡鞋，所以開始了。在 Philip Treacy 學到的線條、對比及處理手法，對我很具有啟發性。」他更透露明年秋冬，將會首次推出男裝系列。



粉紫色珍珠底高跟鞋 \$7,980



馬毛平底鞋 黑色 \$6,600 金色 \$6,400



紫灰色麂皮綉帶高跟鞋 \$7,700